

Datum: 09.05.2025.

Ponovljeni javni poziv za dostavljanje Zahtjeva za izražavanje interesa (REOI)
za sufinansiranje omladinskih organizacija u poljoprivrednom i ruralnom sektoru

Zemlja: Bosna i Hercegovina
Projekat: Projekat razvoja ruralnog poduzetništva i poljoprivrede (READP)
Broj kredita: 2000002300
Zadatak: Pružanje bespovratnih sredstava poljoprivrednim i ruralnim organizacijama mladih

Bosna i Hercegovina je dobila kredit od Međunarodnog fonda za poljoprivredni razvoj (IFAD), za financiranje Projekta razvoja ruralnih poduzeća i poljoprivrede (READP), i dio sredstava namjerava utrošiti za podršku realizaciji projektnih aktivnosti za zapošljavanje mladih osoba u ruralnim područjima.

Za realizaciju Projekta na području Federacije BiH zadužen je Ured za koordinaciju projekata (PCU), pri Federalnom ministarstvu poljoprivrede, vodoprivrede i šumarstva.

Cilj projekta je ekonomski razvoj ruralnog područja i smanjenje siromaštva na selu stvaranjem boljih uslova i mogućnosti za generisanje prihoda i unapređenje životnog standarda ciljnih domaćinstava.

Težište projektnih aktivnosti je na razvoju kooperantske proizvodnje u poljoprivredi, a naročito u podsektorima proizvodnje voća, povrća, ljekovitog i aromatskog bilja, šumskih plodova, pčelarstva, stočarstva.

Ured za koordinaciju projekata (PCU) ovim poziva zainteresirane organizacije da dostave Aplikaciju u formi poslovnog plana za sudjelovanje u sufinansiranju organizacija mladih osoba, koje su angazovane u poljoprivrednom i ruralnom sektoru.

Firme nemaju nikakav aktualan, potencijalan ili osnovano shvaćen sukob interesa. Neka firma s aktualnim, potencijalnim ili osnovano shvaćenim sukobom interesa diskvalificira se osim ukoliko nije drugačije eksplicitno odobreno od strane Fonda. Neka firma, uključujući njeno dotično osoblje i podružnice, smatraju se da imaju sukob interesa ukoliko oni a) imaju neki odnos koji im priskrbljuje neprimjerene ili neotkrivene informacije o ili utjecaj na proces odabira i izvršenje ugovora, b) sudjeluju u više od jednog EOI-a po ovoj radnji nabave, c) imaju neki poslovni ili obiteljski odnos s nekim članom upravnog odbora klijenta ili njegovim osobljem, Fondom ili njegovim osobljem, ili bilo kojim drugim pojedincem koji je bio, još uvijek jeste ili može biti razložno izravno ili neizravno uključen u bilo koji dio (i) pripreme ovog izražavanja interesa, (ii) procesa odabira za ovu nabavu, ili (iii) izvršenje ugovora. Firma ima trenutnu obvezu odmah razotkriti bilo kakvu situaciju aktualnog, potencijalnog ili osnovano shvaćenog sukoba interesa tijekom pripreme ovoga EOI-a, procesa odabira ili izvršenja ugovora. Propust da se propisno razotkrije bilo koja od navedenih situacija može dovesti do odgovarajućih radnji, uključujući diskvalificiranje te firme, raskid ugovora i bilo kojih drugih po potrebi po Politici IFAD-a o sprečavanju prijevare i korupcije u njegovim projektima i operacijama¹.

Od svih firmi se zahtijeva da se pridržavaju revidirane Politike IFAD-a o sprečavanju prijevare i korupcije u njegovim aktivnostima i operacijama (dalje u tekstu, „IFAD-ova antikorupcijska politika“) dok se natječu za, ili u izvršenju, Ugovora.

¹ Ova politika je dostupna na: www.ifad.org/anticorruption_policy.

- a. Ukoliko se utvrdi da je neka firma ili bilo tko od njenog osoblja ili agenata, ili njegovih pod-konzultanata, pod-izvođača, pružatelja usluga, dobavljača, pod- dobavljača, i/ili bilo kojeg od njihovog osoblja ili agenata, izravno ili neizravno, angažirani u bilo koju od zabranjenih praksi određenih u IFAD-ovoj antikorupcijskoj politici ili kršenja integriteta, kao što su seksualno uznemiravanje, iskorištavanje i zlostavljanje kako je određeno u IFAD-ovoj Politici o sprečavanju i odgovoru na seksualno uznemiravanje, seksualno iskorištavanje i zlostavljanje² u natjecanju za, ili u izvršenju, ugovora, ovaj EOI može biti odbačen ili ugovor može biti raskinut od strane klijenta.
- b. Sukladno IFAD-ovoj antikorupcijskoj politici, Fond ima pravo sankcionirati tvrtke i pojedince, uključujući proglašavanjem njih nepodobnim, ili na neodređeno vrijeme ili na neko navedeno vremensko razdoblje, sudjelovati u bilo kojoj aktivnosti ili operaciji koju financira i/ili njom upravlja IFAD. Neka zabrana uključuje, *inter alia/između ostalog*, nepodobnost: (i) da se dodijeli ugovor koga financira IFAD ili drugačije ima koristi, financijski ili na bilo koji drugi način; (ii) biti nominirani pod-izvođač, konzultant, proizvođač, dobavljač, pod-dobavljač, agent ili pružatelj usluga neke inače podobne tvrtke kojoj je dodijeljen neki ugovor koga financira IFAD; i (iii) zaprimati sredstva bilo koje pozajmice ili granta koga osigurava Fond. Fond također ima pravo priznati zabrane izdate od strane bilo kojih drugih međunarodnih financijskih institucija sukladno s njegovom Antikorupcijskom politikom.
- c. Od firmi i bilo koga od njihovog osoblja i agenata, i njihovih pod-konzultanata, pod-izvođača, pružatelja usluga, dobavljača, pod-dobavljača, i bilo koga od njihovog osoblja i agenata, zahtijeva se da u potpunosti surađuju s bilo kakvom istragom koju provodi Fond, uključujući i učiniti osoblje dostupno za razgovore i osigurati potpuni pristup bilo kojem i svim računima, objektima, dokumentima i evidencijama (uključujući elektronske evidencije) koji se odnose na ovaj proces odabira ili izvršenje ugovora, i da je dao revidirati i/ili pregledati takve račune, objekte, evidencije i dokumente od strane revizora i/ili istražitelja koje je imenovao Fond.
- d. Firme imaju trenutnu obvezu razotkriti u njihovom EOI-u i kasnije u pisanom obliku kako može postati relevantno: (i) bilo koje administrativne sankcije, krivične presude ili privremene obustave njih samih ili bilo kojeg od njihovog ključnog osoblja ili agenata za, prijevare i korupciju, i (ii) bilo kakve naknade ili takse plaćene ili koje se trebaju platiti agentima ili drugim stranama u svezi s ovim procesom odabira ili izvršenjem ugovora. Kao minimum, firme moraju razotkriti ime i kontaktne pojedinosti agenta ili druge strane i razlog, iznos i valutu naknade ili takse plaćene ili koje se trebaju platiti. Propust da se pridržava tih obveza razotkrivanja može dovesti do odbacivanja EOI-a ili raskida ugovora.
- e. Od firmi se zahtijeva da čuvaju sve evidencije i dokumente, uključujući elektronske evidencije, koji se odnose na ovaj proces odabira dostupne minimalno tri (3) godine nakon obavijesti o završetku ovoga procesa, ili, u slučaju da se firmi dodijeli ugovor, izvršenja ugovora.

Fond zahtijeva da se svi korisnici sredstava IFAD-a ili sredstava koje administrira IFAD, uključujući klijenta, bilo koje konzultante, partnere u provedbi, pružatelje usluga i dobavljače, pridržavaju najviših standarda integriteta tijekom nabave i izvršenja takvih ugovora, i da se posvete borbi protiv pranja novca i financiranja terorizma, usuglašeni s IFAD-ovom Politikom protiv pranja novca i za borbu protiv financiranja terorizma.³

² Ova politika je dostupna na: <https://www.ifad.org/en/document-detail/asset/40738506>.

³ Ova politika je dostupna na: <https://www.ifad.org/en/document-detail/asset/41942012>.

1. Predmet zahtjeva

Projektom je predviđeno jačanje organizacija poljoprivrednika u skladu sa Programom podrške ruralnim i poljoprivrednim organizacijama mladih. Posebno se ohrabruju organizacije koje su registrovane u projektnom području i bave se poljoprivredom i preradom hrane. Ova aktivnost provodi se s ciljem jačanje kapaciteta mladih osoba starosti do 35 godina za samostalan rad u poljoprivrednom i ruralnom sektoru.

Iz sredstava Projekta je planirano:

- A. Sufinansiranje iz sredstava Projekta u visini **70% vrijednosti investicije ili maksimalno 10.000,00 KM za nabavku opreme ili pokretnje farmerske organizacije** iz sredstava READP projekta za svaku odobrenu farmersku organizaciju koja je osnovana od najmanje 3 osobe starosti do 35 godina.
- B. Podrška u procesu formiranja organizacije i mentorstva u implementaciji poslovnog plana od strane konsultanata pružatelja usluge SREDA-e.

Preostali dio do punog iznosa investicije za svaku odobrenu farmersku organizaciju plaćaju osnivači i/ili članovi organizacije.

Nabavka opreme će se vršiti od strane PCU-a u skladu sa procedurama IFAD-a.

Organizaciji neće biti odobreno sufinansiranje za opremu koja je nabavljena prije objave ovog poziva.

2. Prava i uslovi učešća

Pravo učešća po Javnom pozivu imaju:

- Poljoprivredne organizacije (zadruge, udruženja) registrovane u Federaciji BiH u projektnom području ili su od značaja za stanovništvo ovih područja kao što su organizacije koji se bave poljoprivrednom proizvodnjom, preradom, pružanjem savjetodavnih i drugih usluga poljoprivrednim proizvođačima, distribucijom repromaterijala za poljoprivrednu proizvodnju, otkupom poljoprivrednih proizvoda, veterinarskim uslugama, ruralnim turizmom, omladinske zadruge
- Neformalna grupa koja u svom sastavu ima najmanje 3 osobe starosti 35 godina koji planiraju registrovati gore navedeni oblik organizacije, a sufinansiranje ostvaju nakon provedene registracije.

U programu ne mogu učestvovati javna preduzeća, javne ustanove, jedinice lokalne samouprave i drugi subjekti iz javnog sektora.

Po jedna novčana podrška iz svakog projektnog klastera u iznosu od maksimalno 10.000,00 KM namijenjena za pokretanje i osnaživanje organizacije biće realizovana u vidu proizvodnih mašina ili ostale opreme (npr. nabavka potrebne opreme, za proizvodnju i pakovanje, mašina za proizvodnju, IT opreme, konsultantske usluge u vezi sa tehnologijom prerade, i sl.).

Projektno područje obuhvata sljedeće općine:

Klaster 1: Velika Kladuša, Cazin, Bužim, Bosanska Krupa, Bihać, Bosanski Petrovac, Sanski Most, Ključ, Drvar, Bosansko Grahovo, Glamoč;

Klaster 2: Jablanica, Prozor/Rama, Konjic, Gornji Vakuf/Uskoplje, Bugojno, Donji Vakuf, Jajce, Dobretići, Travnik, Novi Travnik, Vitez, Busovača, Kiseljak, Kreševo, Fojnica;

Klaster 3: Doboj Istok, Gračanica, Lukavac, Gradačac, Srebrenik, Tuzla, Živinice, Kalesija, Banovići, Kladanj, Sapna, Čelić, Teočak, Orašje, Domaljevac, Odžak;

Klaster 4: Olovo, Breza, Vareš, Visoko, Kakanj, Zenica, Žepče, Zavidovići, Maglaj, Doboj Jug, Tešanj Usora, Pale FBiH, Foča FBiH, Goražde, Hadžići, Ilijaš, Vogošća i Trnovo;

Klaster 5: Livno, Kupres, Tomislavgrad, Posušje, Grude, Ljubuški, Široki Brijeg, Čitluk, Mostar, Čapljina, Stolac, Ravno i Neum.

Pri razmatranju zahtjeva, u obzir će biti uzeti sljedeći kriteriji: održivost ulaganja i organizacije, učešće mladih osoba u osnivačkoj strukturi organizacije, razvijenost općine na čijem području je registrirana organizacija, koliko su senzibilizirani za podršku i poboljšanje prihoda kooperanta, spol osnivača organizacije, kadrovski i materijalno-tehnički kapaciteti organizacije.

3. Način podnošenja zahtjeva i potrebna dokumentacija

Zahtjev za izražavanja interesa se podnosi PCU-u. Uz zahtjev se podnosi sljedeća dokumentacija:

- Rješenje o registraciji ili aktualni izvod iz sudskog registra,
- Aplikacioni obrazac u formi poslovnog plana za sufinansiranje nabavke opreme za partnerske organizacije dostupan na www.fmpvspcu.ba/javni-pozivi
- Listu članova skupštine i Listu osnivača,
- Dokaz da su najmanje 3 osnivača mlađi od 35 godina, identifikacioni dokument ili CIPS dokument.

Ukoliko je organizacija registrirana potrebno je dostaviti:

- Rješenje o upisu u sudski registar na teritoriju BiH po propisima BiH/entiteta,
- Bilans stanja i Bilans uspjeha za posljednju godinu poslovanja, ovjereni od strane Agencije za finansijske, informacijske i posredničke djelatnosti (AFIP).

4. Obveze organizacije

Obaveza podržane organizacije je da savjesno koristi opremu i stavi je na raspolaganje članovima i kooperantima.

5. Rok za podnošenje zahtjeva

Poziv je otvoren do **01.06.2025.** ili do utroška sredstava planiranih budžetom za 2025. godinu, ovisno od toga koji uvjet prije nastupi. Aplikacije je potrebno dostaviti elektronskim putem na adresu:

e.mulahusic@fmpvspcu.ba

Obavezno je u predmetu/subject e-maila naznačiti „**Prijava na Javni poziv za Program pružanja bespovratnih sredstava omladinskim organizacijama u poljoprivrednom i ruralnom sektoru**“.

Za sve dodatne informacije možete nas kontaktirati na istu email adresu:

e.mulahusic@fmpvspcu.ba